


Ngalechi kikikir nko körkeyintin: Willem de Vink

YESO MESIYA

CHI NYO MUKOY KIWAYAK NGWĪNY




WILLEM DE VINK

NE NYINTE...



Asöyon: Tikin lapay cho mökoy Tororöt kutöni pikachi cho ighoy tikin cho mwoghooy nyinte.

Ghömchö: Nonoy rïpan pö Yeso meghenyi nko kitutunötenyi ompö kwam makatyan nko dipay



Ichon pö pasaka: Ichon nyo wöw nyo këngorokini kitutunöto Yeso. Asis nyoni nyo ngörokini Yaudin (p 38, 54)

Kighanat: Ghana Tororöt tokwigh kino kiyömis nyinte lö oghöy (p 58)



Kimurtöwon: Wölo kichamta Yeso kechop kong anta këma ompö machatenyi kegh. Kïlïki nyoni korkeyin ompö rïpi Yeso (p 25, 50).



Kïnetan: Rïpinto Yeso (p 18)

Kitutunöt: Kitutu Yeso ompö meghat. Tömtoy pögheti nyo tutu pich lapay cho kimegho. Atölapay nyu kurwoki Tororöt chi anka tikil (p 53-57)



Lastagh: Lostöghchini Tororöt, ata kömominye chi nyo koghomöy kelostochi. Lostounyi Tororot atö ilimtenyi lö kalel ngoki akwatö imitenyi kipsach wayekena. Muko lastagh ompö wölo kisit Yeso nikisin nyo kitö këstecha (p 58)



Malaykayan: Kï ighana Tororöt nyo mösiwiyinye chi (p 5).

Mesiya: "Pöytoghin nyo kikeyil." Mesiya(ngölyon nyo pö Eprania) atokiwayak ompö Krik (Greek) Kïliku Yeso (p 52, 55)

Mïlagh: Kighöy nyu kigh anka tikil kirelit asisoni kamla Yeso ngwïny. Wöyokoy nyu Tororöt Yïm nko ngwïny asisoni (p 57).

Mukulöw Nyo Tïlil: Mökoy mukulöwu Tororöt kumpur oripö pich chino mökoy kïripöy Yeso (p 58)

Ngöki: Tikin cho kighoy akimöchomoy nye Tororöt, chöni cho körtenech tömokilit wölo kimökoy Tororöt keta (p 4).

Onyöt: Punyonto Tororöt nko ptangengmöt nyo mösiwiyi nye chi (akekuro tikil Onyöt).

Pïpilia: Akwopö Pïpilia imukenyi neta kegh wölo röstoy Tororöt pikachi nko wölo pöghisyeghtoy nko chane.

Pöyunoto Tororöt: Mi pöyunoto Tororöt nko pich cho konyitoy nyinte.

Söpon pö kokay: Söpon nyo pö Yeso le wölo kimöktoy Tororöt. Ringtöy meghat aki mominye sörum (p 23, 29-30)

Söwut: Kengalan nko Tororöt, sisön anta kengalan tya nko keter nyinte (p 18, 19, 42)

Wero Tororöt: Kaynata Yeso. Ki Tororöt nyinte nyo kingwin ngwïny le ptangengmöt, akï wero Tororöt.

Yeso: Kainata wero Tororöt nyo mwoghooy lö, "söru Tororöt"



OSISWO YESO

Töro osiswecho yïyo Yeso. Kipegho nyu pich kelyon anta sikiroy, tamasay, anta angoletin. Ompö kareran pö köro pich cho relach (Europe, Kwen nyo pö kide (Middle East) Köwolotöka pö pich cho tuwoch (North Africa) Ki kimongöy nyu kanasyan nyo pö Rumi (Roman Empire).


Kimengitnye pich cho chang kusomönöy anta kukir, wölo kimukoy Yaudin cho pö Israel. Kikuro nyu chane, 'pipö Kitapi'.

Ngölonoy Tororöt Kuweri Kitapi Pïpilia. Nyinte kikigh tikin lapay cho mi ngwiny nko wölo moktoy nyinte kiliki kongo pich lapay. Kipori nyu Yeso ompö ara löpoyin!

YESO MESIYA KI NGÖ?

Kimongisyo Yeso kïngata konyis elipun odeny cho kikuwer ompö Israel. Kikuro nyinte, 'Yeso Mesiya' anta, 'Yeso Kristo'. Kupöru nyoni lö nyinte ki pöghtoghin. Ki, nyil nyu nyinte kimelo pöghtoghin pat. Yeso kekuro nyinte 'wero chi'. Pöru nyete lö, nyinte kipö Tororöt kuweri ptangengmöt. Anta lökoyo Yeso söpontanyi kingölono nyu Pïpilia. Lököy nyu chetechi cho pö Tösunot osis lapay.





ISRAEL OMPÖ OSISWO YESO

Kanasyan: Yerusalem

Koros: Kalilaya, Samaria, Yudea.

Wöwun: Kenönchino lö mösironye elipun tömonut odeny nko chole mut nko sömök kenyil odeny (28,000 Km²) (10,810 sq. miles).


Lolöngin: Layate mut.

Siyasen (Kinkinöt): Kitor könyis tamanut mut nko akonga nko chole sömök T.Y. (tömo Yeso). Kipoghtoy nyu atöni pipo Rumi koro Israel.

Söch: Pontias Pilato, Kipöghtoy nyu Pöytoghinto, Rumi Israel. Kipöytoghin Tiperias nyo wöw ompö, nyo kipöytoy nyinte.

Kighönut: Yudaism: Kitingeto Yaudin kopö söwut ompö Yerusalem. Kimi tisi cho kighoy ngal lapay chopö ighishewut chopö söwut a kimi tikil kinetut (cho pö Parisaitin) kimito koneti cho kinet pich kuweri Pipilia.

kutuw: Eprania (ngalyapu Yaudin) Krikin (ngal cho kingolönoy ompö kimukul) Laatin (ngalyapu pipö Rumi).



Ompö ne tö kighomitï kegh pich lalwa?



Asatakegh! Wetoý
Tororöt kwighoy
kigh nyorell



Töro möngot nyo rel!



Memukenyinye riþeno Tororöt. Mi oghwenyi nyo pö kirwok kipsach kitor sikin pö ket.



Kitöroy ket anka tikil nyono meyinonye akwa cho karamach akewirchi ma.



Ater choni nyu. Mökichichanye sö karamach lasiny?

Möminye chi nyo chiwutö kirwoko Tororöt. Wölo lotunyan michi nyo ngunöy kiwoyökekwa kingetuno ori nko sany. Sörwökwa nyinte.



Ee imokenyi söpengu kiwayaka nya? Nyono litö pögh kepatisoniny.





Ye nyu kaketililokwa ongetuneno ngoki atör möngot nyo rel.

Kuroy chi anga tukul omteghin ompö lalwa, lö Yoana kipatisonin.....

Melo ani. Omitan onöpokwa ompö wölo mi chi anka. Ngunoy nyinte kuporwech kigh nyo mökoy Tororöt. Potisonokwa ompö ma nyo pö Tororöt nko mukulögh nyo tīlil. Nyoni nyo nyo wöyokekwa lapay.



Kilo nyu...




Ani... Ko nyi nyo köghomoy ipatisonani nyi!




Ighanyi lenyoni. Akitö kwicha wolini möktoy Tororöt.



Papö, nya kungwin pöyunotengu aykany kwicha makatengu!



Panini lawel, kilo kut nyo kinguna yim...




Owöy! Ichinyi werinyan nyo ochömenan kegh! Ichinyi chi nyo chö moy mukulöw nyan tya!



Kimwochi Yoana Kipatisonin pipö Israel lö otipino kipsach osis lapay ompö wölo mi Mesiya kungunoy. Ompö osiswe choni nyu, kipöytoy pipö Rumi karenan pö kor nyo wöw ompö ngwiny kimukul. Israel ki kareran nyo mining ompö paghtagh pö Rumi.....



Kilenyona, kikönyisyo pipö Yaudi kukon Mesiya (Yeso). Ompö kitapu nekwa cho kipö konyisyok, kingunatenyi ki kingor werkoy. Ngunoy nyu nyinte kwichoy Israel kiyeti...




Ompö lalwa Yorodani, kimwa Yoana Kipatisonin lö Yeso nyole wawa kech nyole amoros...

Arösa! Nyinte nyole wawa kech nyo pö Tororöt nyo mwötoy ngoki ngwiny!



Kumit mukulöw Tororöt Yeso kiwo surkwen...



Kimi Yeso onkIt wölole surkwen pöghetus nko nöngotus chole tömonut angwan (40). Kimomisyonye nyinte. Kısagh nyinte. Ki kimi nyinte kwighoy kegh ompö ighisyo nyo pinu tawunyi...

Ghömoy Yeso kwigh tötut pö Tororöt. Mökoy Tororöt ketyaka pich kiwaghat nyo pö kiyechin nko meghat...



Kiyoki Yeso onyöt, lö ichinyi pöghetoghinto tiwin. Nyi punyontöni pö Tororöt nko ptangengmöt nyo ipöghtoy ngwiny ompö kireyat, kichirut nko meghat...



Owöy Papö! Omökan agh kiyino imökenyi!

Wölo kutö onyöto kinonsyewut Yeso akitö kiwayak nyinte kilowit ompö ighisyo Tororöt...

Atö ichinyi wero Tororöt, ne mewayak koghichi kiliki makatyan!

Ewo! Kikikir ompö Kitapu Tororöt: "möso ponye chi makatyan onkit. Wölo söpo chi ngölyon anka tikil nyo ngwino kuti Tororöt".

Atö ichinyi wero Tororöt, ne mepöru nyu! Sirtegheno paraku ko pö saghat. Melo sö kirate lö tokinyi malayken?

Rösa! Oköninyi owesyo lapay ompö ngwiny. Wölo kitingo ompö tawunyan.


Kikany kumucho kipisto Onyöto nyu Yeso ongüt ompö pöroyin nyo tangogh. Kipka Malayken kipöghishechi Yeso...

Ewo! Kikikir nyu tikil lö: "Metyam Tororöt töngu".



Pistanin Onyötoni! Ompö wölo kirate lö: "Tororöt onkit nyo ghömoy kesal nko kepöghishechi".

Kimila nyu Yeso kutöngwi koro Kalilaya wöno kingwino. Akinyighi mukulowu Tororöt nyo tilil. Atoni kiwestoy nyinte, kisoru pich nyinte. Kimar nyu chane kungutu lö Yeso nyole Mesiya...

Ompö Kanan, ompö kutingot pö Kalilaya, wöloni
kimi kensyo kitösoy tagh...



Kimi Yeso sapkanoni, nko kame
nko köngotichi walaka...



Wölo nyini kitomönye kureltö sörom ichöntin...

Ne kitö! Kirarta dipay!

Agha kiyini mwowökwa Yeso!

Anyighita pögh tören cho ghechön akany kichamcham wowinto ichöntin (sapka).

Machey nyo pöru teput.

Pögh? Wölo dipay! dipay nyoman!

Chamchama! Keroranyi so dipay cho kirir kipöyit sörom!

Tomönye kelim asistanka aki tomönye owan ichon pö kensyö nyo lenye nyete pöghetu anka, nyo kiwengisyö pögh kilikwi dipay cho kirir nyoman!

Nyöni ki ighisyö Yeso nyo pö Nasaret!

Ngö nyinte?

Kaparnaum ki kanasyan nyo kiletagh nyöman ompö namata kaghagh cho kinömo nanam pö Kalilaya. Otete atö kitorö Yeso amtaghtanyi nyo kyomchini pich ngala pöyunöto Tororöt.



Petero, Kepe ketanga nanam kwen aytö möyontingu kiröyto pögh ori.

Yete nyu atö kikila kinetan kachi cho tagh...



Echötyon, kakisingacha keyech amökinyorucha nye kigh nyoni kiny.

Wölo atö kemwaghanyi nya kiliki nyoni...



Ne! möghonanye!



Yakopo!
Yoana!
Apkana
oghömuno
kinikisit!




Pistante Echötyon!
Ochon chi nyole
chemwökiyon.

Mewöghisyo Petero.



Kingeta ye kutang tagh,
ilukunenyi nöminto pich.




Ripkanin!

Kirutöy Yeso nko kinetan kachi kuwerotöy are kuntoka nyo pö Israel (North of Israel). Komwöchinotöy chi anka tikil lö mi pöyunotö Tororöt kungunöy. Kiting ngale chi owesyo nko poröpcho. Kisöp cho chiryote akutyak cho kipöte oy. Kirip pich cho chang nyinte kipkana pich wöptin lapay nko Yerusalem, Kanasyan nyo wöw nyo pö Israel...



Ochikwa soyönote cho oyöry Tororöt. Omöngekwa korenyi nyo rel.


Ochikwa soyönote pich cho opirchini korömnyo Tororöt. Onyöronekwa kital (Kuwaita).



Ochikwa soyönote cho öloksöt. Onyöronekwa Saghsaghat.



Ochikwa söyonote cho oghchini piko walaka nyo karam. Porwöka Tororöt koromnyenyi. Atö aghakwa kalya, kekuronökwa moningö Tororöt.






Ighichino piko walaka nyo karam le otinö imökenyi kwiwunyi chane.



Chi nyo rosöy korka ompö pürchin lö tonyöri, kikakwigh cheporesnan ompö maka mikulöwunyi.



Mösusokegh ngala asiyeche, ayara Tororöt kiny nko kiyino mökoy nyinte kiripinyu tukwin walaka.



Chama pungköku aysoghchi chane



Kong kilöpoyin pö por. Atörostoy kontangu lasiny kuliwchini nyu löpoyin portöngu lapay. Wölo atömerostönye kontangu, lasiny imitenyi tuwin.



Igha le otinö omwoghan. Ikorenyikegh nyu nko chi nyo kitek konyi paraku ghat. Atö meghanyinye nyu le nyoni itekenyi paraku ngayam.



Igha nyo karam ompö sison, amekany kisiwa pich.



Möpoghisyechini nye chi echöt odeny, Tororöt anta sikönot.

Kimi asis akong atö kituyeghö söpich kopö Yeso öri nko sany ompö kaparnaum.....

Mökimukechanye kelite öri.

Liku nyu porkö, menyon nko löwir.

Kalimakwa kiyinö kamwa? Muköy lö ne kimwa le nyini nya!

Mi kungörertoy Tororöt!

Tororöt onkit nyo löstochini pich ngöki.

Nyono nyo kwiskwis kemwa:lö kakelostowunyi ngokiku, anta: ngeta aywö?

Ne nyo mi kwigho ompö parak otinö?

Opistenö chane! Tिंगeto kongotichoni kighanat nyo wöw.

Kakelöstowunyi lelutkoku.

Tिंगeto Mesiya owesyö nyo löstochini pich ngokikwa. Wölo omwoghan tikwil: chenya minyontengu aywo!



Potöngönchin!


Owöy! kyosöpon!
Söro Yeso!

Muköy
Chemwolöy
kiwestö!

Ighöy Yeso tükwin cho chang cho karamach. Akingölonöy ompö ngöghomnyö nko owesyö. Möminye kigh anka tikwil nyo ngölonöy potö kisonöt nko pöropchö. Wölo melö chi anka tikwil nyo ngörokyini nyinte. Möchöy kintöghogh kiripöy kikirut. Mi kitöpöntöy kisiwa lö ekimitö Yeso kiripöy kikirut. Lenye asis pö Sapato. Ompö asis pö tagh pö osis mut nko odeny kitaghathe kegh ighisyö anka tikwil.



Mi chi nyo kimeghta ewi. Michini kisöp ompo asisete, anta ewo?



Ghitenö ewungu!



Michinech kenateghen a chichï le Yeso!



Wechara kyosöpon!



Michini kemwöchi kintöghi ompö Yerusalem lö, mi kwipöy kor kutongöy kipötat!

Otini kiyeti kimanata ompö kwenu Yeso nko kintöghoghi,
kiwechi kegh Yeso. Kipegha tiriipka kutang nanam nko
kinetankachi. Wölo...







Echötyon!
sughwech
kimatecha
keröytoy pögh!






Ompö ne
towöyekwa?
Myonö
kighanatengwa?











Michinī nkitunö lö oghan kiyino mökoy papö nyan oghan. Kiyokwanin nyinte.


Kiwetöy Yeso osis t'ikil kisögho wölo le sirirön...




Nyini kiwer oghö nyo pö saghat, k'ikil Yeso kiyokichi chole taman nko odeny. Kiyonta chane kipaghategha odeny odeny. Kutö chane owsyö nyo tulö mukulis chöle oy akusöp sömewut...




Tupchö chane Petero nko andreya...




Tupchö Yakopo nko Yoana...



Pilipo nko Natanael...




Tomas nko Matayo (cho kimi asistanka k'kwoghchini suru atö kipöytoy Rumi...




Tadeos nko Yakopo anka...



Simon, poryeghin nyakan nko Yuda Eskaryot...




Ape! Nyinte nyo tökokwa, kilenye atö katakanin, chichona tokanin kitökokwa, akitoköy nyinte nyo kiyonwanin.



Kömilisyo kiyoktoyichay le taman nko odeny ompö ocheyekwa kingorchote. Kigh tikwin löwir cho kimwochi Yeso. Nyini kimucho nyete ki moköy Yeso kiwetöy nko chane wölo le sirirön. Wölo kimemicha kipa ompö wölo kiwöw söpich tya...

Arösa! Wöw ilö wölo ngöri ili. A sagh Echötyon tö ilö atö kiyonta ili kipa kughamit ilöwe.



Kiletagh Yeso kwomtöy akusöpoy. Atömitoni kite kirarisan...

Pīlipo, nyoru pichi omisyo löne nya? Kölo ne mötonökwa chane kigh kwam?

Kitingetecha ropiyen pokoloy odeny pat (200 coins). Memukonye ompo chete kimichini chane!

Mi yi karachīnin nyo tingeto makaten mut nko kaghak odeny Chōni cho mīto.


Supō pich kumpurotegho söpichis pō pich chōle tōmonu mut.




Yokini Yeso söro Tororöt...



ki Mīnchir makaten nko kaghak...



Ki kipagh pich elipun ot'ini kigh Yeso
omisyo kichangit (k'ipil, kiyeti)...




Kighecha nyinte
kilikwi poytoghin!




Nyo pö nyöman nyinte ki
Mesiya nyay
kikiyomiswecha!

Aröse! mitöni
kikapuna chöle
taman nko odeny
cho kongöti!



Pöroyin nyo kimwöchini pich kiröt keston.
A chenga t'iripka ape onkunino. Ompuran
yi le kutingöt osöghoy.





Mökoy walaka kwichoy Yeso köliku pöytoghin. Kikönoy lö yonöy paytagh pö Rumi cho mongöy körengwa. Mi kichongitu pich cho töghoy Yeso. Kirkegh kungörököy pich nyinte. Nonöy kintöghoghi kanisa Yaudin lö mi Yeso kipenyöy kirurut. Mökoy pich kitagh Yeso atökeyon kiwo...



Echötyon, ketomunyi oyï yi?

omitekwa oyoranin akwompö omisonay kyokonökwa?



Mosuso kegh omosyo nyo wonsöt, wölo omosyo nyo mewonyotnye akikonu söpon pö kökay.



Ochan makatyan nyo konu söpon pö kökay. Nyoni ki portönyan nyo kitötöy akwompö söpon pö ngwiny.



Muköy lone chichi kikonecha pörtanyi kyama?

Samiyan!




Wechinö kegh!

Mi kilisöy chi anka tikwil.



Mochömekwanye opete tikwil?

Echötyon, kipetecha wölo mi ngo? Akwanyi itingönyo ngölyonto söpon pö kokay!



Ompö pantangwa, kepar pich . Kepörtochi kimurtöwon, kilenyenyete wölo kidoy pich söch cho pö Rumi- kichöpöy chi tokäma...



Chona moköy kiluku chichan, kímichini kíkasan kimurtöwontenyi akíripkanín.



Nyinte nyo yongöy söpontanyi kewirtoy, wölo nyinte nyo chöloy söpenyi ompö ani kinyoru.



Ghömoy onkitunökwa lö mi Tororöt akong.



Kìgh nyo pö komönut kī ichamanyi Tororöt nko kigh anka tikwīl nyo mi ori ngwinyi, aycham chitö anka le wölo ichömtonenyi kegh.




ompö Israel, Pich cho kitingeto sömewo kögh kikikiytöy lö mötililocha kiripkegh nko kirurut. Kikitoröy chane kimang wölo löw nko pich. Akimönomönye chi anka tikwil ewunyi...



Otinö takirich wölo mi pich kikiteghyot kimwoghöy lö osirö achona acha kimitecha kepkonöy...

Simnyon!
Simnyon!



Echötyon! Yeso! syonchecha.






Ape, opörchino kegh tisin!



Lö ape wölo mi tisin? Kurosekwa?

Atölapoy kesöpchecha?




Pöru teput (?)

Pöru töngonchin (!)




Rosa!Kikesöpc hecha!



Ki kesöpchecha!

Apkana!



Aleluya! Karam Tororöt! Söro!




Olentan kochikwa pich taman chay kakisöpokwa nya? Kunko walaka kutö Tororöt Söro?



Ngeta!melo kesöpinyi kighanatengu pat wölo kosörunyi.

Kiyonta pich kintöghoghi kanisa ompö Yerusalem kipa wölo mi Yeso atökilim lö mwoghöy ne. Melo tökemwa lö karam onkit. Kimökoy kiter lö ngölonoy tökenam kerwoyki...



Kakuro Yeso petanya, nyini kirelto Yeso kanasyan nyo le kito Yerusalem. Chirate Losaro. Nyinte nko tipikwa, Marta nko Marya kikongöti Yeso. Kikany kwitita Yeso kanasyan, kilim lö kiketip Losaro osis angwan cho kikuwer...



Anta kemitenyi yete tömomeghönye werincha!



Tutu weringwa, ngat Marta.



Owoy, onkiton lö tutu ngat ompö kitutunöt nyo pö asis pö sörum.



Ochan kitutunöt nko söpon. Nyinte nyo ghananin kisöpoy. Ighonenyi nyoni nya Marta?



Owoy Echötyon! oghanan lö ichinyi Mesiya nyay kikiyomisi lö ngwinoy. Mompö Tororöt.




Kotipchikwa ono?

Nyono rosa, Echötyon!





Mi kintöghogh ompö Yerusalem kiyoröy kunkitu lasiny paraku Yeso nko rïpankachi...



Mi chi chete kwighoy töngonchintin cho chang.

Atö kipisi kuletagh le nyete, kwighoy kigh söch cho pö Rumi.

Nyoroy kopö saghatencha (ekalu) nko korencha.



Anane köny! Ngwangwa kïma chi akong ompö kor kïtil kenyar pich löwir.



Ompö ngalechete kilikwi Yeso nyo kikitigh!




Kimichi chi akonga kïma ompö pich löwir! Nka nyoni kiyar kintöghoghi kopö saghat pöroyin anka tikwil kinam Yeso. Mi kiwetoy arenyi kutongoy Yerusalem. Ki kochi lenyoni. Mokoy pipö Rumi kurwokyi Yeso ketigh.


Ompö atöni, kikimito sapka Petanya...



Pöne
kenyar!Kotömichini
mwaghi kyaltegha
röpiyen cho chang.



Marya!



Köto
kyoltöy.Atöketo
röpiyeni mey.





Pisteno nyinte, Yuda.
Karor nyinte mwaghete
kipöyit tipenyan.

Mitöni ichön pö pasaka kîriku, Mi söpich pö pich kurutoy kipetoy Yerusalem. Ipoy amörostîn kutongoy kopö söwut (kanisa)...



Kolît Yeso kanasyan nyo wöw, kîrkegh kîtapan....





Kunyokörchi pich nyinte
akuliliyoy...

Ichinyi
takat!

Osana!




Imang nyo kögh
nyi nyo ingwinöy
ompö
kainaTororöt!

Pöytoghint
ö Israel!




Yerusalem, antakenkitonyi
wölo kitoktoy kalya. Wölo
mechömenyinye nkitune.



Michini kipisto
kiyi!

Mi ngwinya
kimikul kiripoy
nyinte.

ko pö söwut nyo mi kanasyan
nyo wöw ki wölo wöw ompö
kighanata Yaudin...



Ompö ichon pö pasaka
keyengoy wara kechir...



Kitötegho amöros ko pö söwut
ato kilastegha pich ngökikwa
kipegha chane...





Wölo wawa kech ne nyo moköy
nyöman kutyaka pich choghintin
cho wiröy akwompö lelut arasi
nko migho nyo pö kirkwok?



Ompö pöroyin nyo mi ko pö söwut, mi
pich kisingo altaghata tikwin
kiwöghokoy walaka röpiyen...



Nyo matya kilit
Yeso ori...



Ko pö Tororöt kighö moy kilikwi köpo saghat. Wölo kaghakwa kilikwi köpono chori.



Mökaramnye nyinte. Wölo kinönchi pich ngölyon anka tikwil nyo kingalan.



Ghö moy keyar pöroyin anka tikwil nyo kinotegho nyinte.




Wölo mokoy keyerchi nyinte lelut tö kenam. Akito kepar.

Wölo melo atay mitöni ichon. Anta ichon pö Pasaka!



Ata cho okonankwa toporwan nyinte?

Nyinte Yudas, akonga nyo pö kinetankachi.




Otoninan Yeso morikwa.




Kikoninyi ropiyen cho le tomönut sömök. Ropiyen cho kyoaltegho sekeyon.



Kingölonchi Yeso pich ompö
Ko pö söwut kitömo kwitita
osiswo Pasaka. Kingör lö rulöy
Yerusalem. Ighöy chi anka tikil
kusur. wölo tösoy tagh ki
chomoy pich. Atölapay
kimwochi Petero, nko Yoana
kwich omisyo Pasaka...



Atö le monon, kuryam Yeso nko kinetankachi
taman nko odeny ompö Kanasyan...






Omitan opirchini am omisyoni pö ichon pö Pasaka nko akwa kitomo owongwan.



Kegh kintöghi pich walaka kipöghosyechi chane. Wölo melo liku le nyoni ompö akwa.





Nyinte nyona pöghisiyi tya akonga ompö akwa nyo liku kintöghoghintekwa.



Omitan kwenunkwa le mötworin.








agha le nyete osis tikwil anananin.



Ama makatyan, pörtonyan nyete.



Yegha dipay chi, kisönkochan chete, kakonu tö mönyil kelostöwekwa ngökikwa. Ompö aranete. Ighöy Tororöt ayömis nyo rel nko akwa.



Kökonökwa kirurut nyo rel. Achama kegh le wölo kyachamtekwa.



Atö mi chömnnyenyan nko akwa, kunkitu nyu pich löwir lö ochikwa kînetanköchan.



Echötyon orïpotöninyi wöp lapay. Otötonan söpontönyan akwompö nyi.



Petero, atöwoköy kîrpo kokoroch kikitaghaninyi kînyil sömök.

Atö le löt monon, kingeta Yeso kanasyan nko kînetankachi. Kimöminye Yuda nko chane...

Owetan opistönekwa, Wölo yoku paponyan mikulögh nyo tilil kungwin wölo omitekwa. Tokungarakekwa osis lapay.


Onkïtokwa ore nyo wetoy wölo owetan.

Ochan ore, ochan man nko söpon. Möminye chi nyo ngwinoy ka paponyan ameweranin.

Ompuro yete owetan tagh kite osöghoy.

Paponyu, atö muko, inategha nyarili ompö wölo omïtan.

Wölo melo ompö makatenyan wölo makatengu nyo michini kwigha!



Orusonekwa lö ne ye? Ongetyeno achona, mitoni wiktöghinte yeteyi.



Anama nyinte nyo okönkoyan.



Lentöne nya Echötyon!

Yuda Iwiktönenyi Mesiya ompö kikonköyot?



Echötyon, ghömecha kepöryeno?



Kicho (Gwongö)?



Atöni kipsisyi Yeso chane kumit nyinte, kitöyo ripan kachi kutang wöptin lapay.

Kemīt Yeso kīwo wōlo mi tīsin nyo wōw, kintōghinto Yaudin.
Kīrip Petero nko Yoana lōt aki lowōch kite ompō lōwun...



Kīlit Petero kopō
kīrwok sisōn...



Kōmemitenyinye
sō nko nyinte?



Ewo! Monkutōnye
chichoni.

Ichinyi akonga nko chane,
mechinyi nye sō?



Akīnyil memukōnye!

Otingōn man! Lō
kimitenyi! Ipōyenyi
Kalilaya!

Mongitōnye kiyoni
ingolōnenyi parakunyi.







Wachata kirpo kokoroch.



Kurosa kong Yeso Petero...



Ayo, ngore köny! Ngo nyo komunginyi?



Otini kitömto tökwogho, kemityi Yeso nyoriögh nyo pö kintöïghoghi Yaudin. Kurwöki Yeso Tisin nyo wöw...

Ichinyi wero Tororöt nya?

Kemwaghanyi.



Kemwösyo! Mïchini kïma nyinte. Akanya kïwo kurwöki pipo Rumi nyinte!

Kemīt Yeso kiwo taghu pöghthinto Rumi, Pilato.
Kisik kintöghi Yaudin pich cho kirösoy. Kutegho
akiminchi nyinte ngal cho chang...



Ne nyo imukenyi mwagha
paraku ngalechi lapay?
Mominye?



Ne nyo
keghanyi?


Kangunan tö
sowintönchi
man.




Ne nyo le man?




Mosöchanye lelut nyinte. Nyete
ki sapka nyo pö Pasaka. Ngo
nyo otyokunan: Parapas nya
anta pöghthinto Yaudin?









Wöloni kikipörtogho ki sany pö neyetwok pö kanasyan. Kamasoni keкуро kolkota. Nyo atökiwaghach, keкуро köwo möt...





Atö lapay kekir paraku kimurtöwon ompö kutiw ngölyep sömök. Kimwoy lö: Yeso, poghtöghinto Yaudin...



Kitagh Yeso kïgha pöghechay kïtighoy ngwonin...



Kimoyo nateköyo (Askarin) sïrokachi...



Ayo! Kimosorïnye sö walak?

Atö ichinyi wero Tororöt rokuneno kimurtöwon!

Söruno kegh aysöruwecha tikil!

Porchino Konyit Tororöt. Kakenyorucha kini köghomecha, wölo mominye kïgh nyo kegh chichi.



Inanante atö iwo wöno le yïm!



Omwöwunyi lö, itöpenenyi nko ani wöni karam (paradiso) kingeta asiswanete.

Atö ngata satin cho pö poghet
kwen kituwit koro lomīs.
Kicheng satin sömök...



Marya, yoto Yeso, nko Yoana,
nyole kinetanenyi, mi kurösoy...


Ye nyu ichinyi
yoo nko weri.



Kamanin...
Maral.



Tororöt tanyu, Tororöt
tanyu, ompö ne
tepīstanin?



Papo, kopīsyān
mukulöwunyan möriku.



Ki... Kuwönyo.



Kīma Yeso atō le satin cho pō monon.
Kīpīsīgh Natekōyonta (Askaryon) akōng
Yeso karas. Kuyinuna pōgh nko kison.
Kewongu mukulōwunyan...



Ompō Kitapun mwoghōy lö:
"Kīreto nyinte le wawa kech
nyo kipetōy kepōroy".



"Kikinyaril nyinte ompō
paraku nyo, akepar ompō
ngōkicho".




Ki Mesiya nyinte nyo
kingwun nya anta nyo
kitōngunoy anta ewo?



Nyono, tōketepa
atōkimukecha ketipō
nyinte?



Kicheng nyu Yosep nyopō Arimatiya nko Nikodemo
por pō Yeso kīrokuno kimurtōwon. Kikartegha chane
ananga katani nyinte akīrorchi nyinte pīrīmpengwa
nyo mi kōponu ghat...




Kikany nyu kuwer osiswo kiminy
pö pasaka, kipa kori kutang
přimponay...



Kikismilmilta kaghay!



Ompö ne tayarakwa nyinte
nyo kikututuno meghat?
Kikututu. Ape omochino
kinetan kachi!





Atöni kilim lenyoni, kurip
Petero nko Yoana kutang
přim...



Ne nyi kegha?




Puryo kigh
ori
nyonikiny.



Ompö asisoni, kimi rïpan pö Yeso chole odeny akimegho mutuno kingölonötöy nko chi nyo kiwetöy pantanyi -kimi nyo kitepöy kegh paraku megha Yeso...

Moghönekwane sö werköy nyu? Kimaghamnye sö Mesiya kechop köng lenyöni akitö kilit oröryo? Kikikir lenyoni ompö Kitapun. Kigh anka tikil kwompö parakunyi.



Atöni kitötöy makatyan, panini lawel kupöt Lomis töntonay...

Wölo ki Yeso kegh nyoni!



Kipa pananini kutang Yerusalem kïmarata kongötikwa...


Kakesiwecha Echötyon!

Marya tiki!
Nko Petero!



Ompö panini lawel...

Opïswokwa kalya!



Moghönekwane sö lö ani? Arosa morichan nko kelyechan!



Echötyonte nyu nko Tororot tanyu?



Kupörchi kegh Yeso röpichi osis chole tömonut angwan (40 years). Kimi kuryam nko pich chole pökolöy mut ompö nyoryogh akonga. Kimilisyo kinetankachi Kalilaya. Poghet akonga ato kinömoy kaghak ngat...

Akwa wechara! Otingokwa kigh nyo kyomöy?

Ewo, mokinamachanye kigh nyonikiny!


Owirchino moyöntinekwo karerantö wöno!

Ochikaram! Wechi kinam!

Nyinte Echötyon!

Echötyon!

Nyono kyomisyeno nko ani!



Petero,
ichömaninyi
nyoman nya?




Kitep Yeso teputyononi
Petero kënyil sömök...



Owoy, Echötyon,
ingitönyi lö
ochöminy.

Yakwiya wareko
kechiryechan.



Rïpanin!

Kikekonan owesyo lapay ompö Yim nko
ngwiny. Ape ngwiny kimukul agh Pipo
koros kiliki kinetanköchan. A patison
ompö kayna Papo nko nyo pö weri nko
mukulögh nyo tilil. Anet chane kirip
lapay chono kyomwöwokwa.



Anan, lö omitan nko akwa, ompö osis lapay,
tökïteno kirumu ngwinya nyo rel?

Ki kany kumucho
ngalechoni, këwegho
Yeso ngwiny. Kemit
nyinte kiwo Yim. Wölo
kimwa nyinte lö
omilenan napö...

Kumpur rïpan pö Yeso` löt akisagh. Kikany kuwer osiswo chole tömonut mut, ompö asispö Pentekoste, kirokyï mukulöw chane. Mukulöw naye kimi nko Yeso kimöngisyo nko chane nko ngat chane cho ghönoy nyinte. Kutö owesyo rïpan kachi kiliki söwi. Kilim pich cho chang Paraku Yeso...

Atera pichi!
Meminye meghat
Yeso. Kitutu
Tororöt nyinte
akuto söpon akwigh
kiliki Echötyon. Yeso
nyo pö tagh kemit
ompö oröryo
Tororöt. Mi nyu
oröryonöni nko acha
tikwil.



Kipa nyu rïpan pö Yeso ngwiny,
ata kimi nyörilwok...

Yeso ki wero Tororöt!
Kimukecha nyu kelikuna
monungo Tororöt acha tikwil.




Kikikir tikwil
amtagh chete
kuweri
paruwen...

Mosöchinanye arasi
lököy cho karamach.
Ompö wölo owesyo
Tororöt nyo söru pich.
Kikikir lenyöni ompö
Kitapun: "atö
ighananyi, ilukunenyi
chi nyo karam ompö
konyi Tororöt isöpenyi
nyu!"



Ye nyu ghömyegho pich lapay
ngwiny kimukul akisöghoy ompö wöp
akonga akusömon Pipilia. Akimanga
pöropcho Tororöt. Akilimta
chomunögh tanyi. Akichömyo
akwane, akungarach chane cho
chöpoy. Akicham tikil pungökwa.
Akiminchir makatyan, akutöto dipay
atö kunönchi chane lö kikelöstochi
ngökikwa. kilenyona nyu kakitö
chane owesyo nko söpon nyo rel,
nyo kinyigh mukulöwu Tororöt...

Kigh Yeso le nyöni tökumuka
lö muköy pich kimang ompö
kalya...



Amwagha söro ompö
chomnyenyi! Chengena
nyinte! Asagh nyinte!



Kimöyoninye Tororöt werinyi ngwiny
tö kurwökwecha, wölo kisöru wecha.
Ompö wölo kikoni werinyi nyole
akonga. Chi anka tikwil nyo ghönoy
nyinte kimepötonye, wölo sikoy söpon
pö kokay!

WILLEM DE VINK

PĪPILIA

Kīkikir Lökoyo Yeso Pīpilia. Möminye Kitapi anga nyo kikesomön akelim kinyil cho chang le Pīpilia. Kitapi nyo kinyighi Kitapune walaka. Kicheng nyu könyis cho le elīp nko chole pökölāy mut (1500 years). Kekir kitapune choni kicheng nyu Pīpilia könyis chole elīp nko chole pökölāy mut nko angwan kewany kekir. Mitoni Lökoyo lapay cho pöru lö kimī Tororöt ori pö söponwo pich. Pöru nyu Lökoyo Yeso lasiny wölo lata Tororöt.


LÖKOYO YESO

Tingetö Pīpilia kitapun angwan cho tötomoy paraku söpon pö Yeso. Kitapune choni ki kikiminchi kaynötut pö pichoni kikir. Kito kīsötote kikiri kitapune choni atöni kisöpoy Yeso.

1. **Matayo** - Kinetan pö Yeso. Kipöghisiy le kwoghinto röpiyen. Kitatam nyu lasiny wölo kipöghishetoy Yeso nko pipö Israel (Yaudin).

2. **Marko** - Kimining nyinte atöni kighöy Yeso pöghisyo. Kīkikir nyu nyinte paraku tongönchin cho kigh Yeso.

3. **Luka** - Ki chepsakityan nyinte. Ki mengitnye nyinte Yeso. Kitatam nyu Luka wölo ki poghisyechinetoy Yeso pich.




4. **Yoana** - Ki rīpana Yeso nyinte. Ki pöru nyinte lasiny lö, ki ngo Yeso. Nyinte nyo kingwīn le ptangengmöt atökutyaka pich ngokikwa.

YÏYO YESO

Yotö Yeso` Marya, kitömonyep nyu nyinte atöni kirumu lö kisik Yeso. Kikilitit nyu nyinte tö kiteno kilusyo. Ki kitat Tororöt le nyoni lö ghomöy keyi Yeso. Ki kike mwowu nyu tongönchin ompö kitapun chö kikikir könyisyok töma keyi Yeso. Kimo kiyi nye Yeso le nyakan anta le chi nyo pö kinyiwut. Kiki yichi ateker ompö wölo kimöminye kö nyo kirumu.

TONGÖNCHIN PÖ YESO`

Kigh Yeso tongönchin cho chang. Mwoghöy nyu Pipilia kisöput kitil tömonut angwan. Kuweruno töngonchin choni kupöru nyu Yeso owesyo Tororöt nko chomnyögh nko ngat lö, kiyöroy kungarach pich akwigh chane kïngorekyo.



MEGHA YESO NKO KITUTUNÖT



Ompö ne tö kima Yeso? Kikutatam Pïpilia paraku nyi.

Ighöy pich lapay tikin cho tösonchot. Osiswe walaka. Tikin cho töghoy Tororöt anta ighöy nyinte kïnarek anta singara. Kikuro choni lapay ngoki cho körtoy pich tömaliki kongöt nko Tororöt.

Nka nyoni nyu kingwïn Yeso. Ompö chamatanyi kegh, kisit Yeso nikisintinecho cho pö ngoki. Kirwokönöni (Sitönöni) ki meghat. Kinget kima Yeso ompö paraku nyo, kemukecha nyu kelukuna köngot ngat nko Tororöt. Wölo ghomecha kesyonchino kegh ompö cho kikelelacha.

Kitutunö Yeso meghat. Kigh Tororöt nyinte kisich söpon ngat. Nyoni kupöru lö, ting Tororöt owesyö paraku meghat.

Mi Yeso ye kimöngoy nko Tororöt. Ompö wölo söpoy nyinte, kumukoy kïluku köngo osis. Mökoy nyinte kungarakech kemanga ompö ngorekyo nyo toni Tororöt kingarach.

SÖWUT

Atö imwaghanyi mutyo ompö cho kelelanyi anta imokenyi nama köngot nko Tororöt, imukenyi mwagha söwutyoni:

"Owöy Tororöt, ichomaninyi.

Kikonunyi Yeso, weringu nyini le akonga.

Kimegha kimurtöwon ompö choni kyaghan lapay ghach.

Kaykay löstewante ompö choni ghach kyaghan. Omwöghan mutyo.

Söro, ompö wölo mi Yeso okundönyan.

Omökan osis alkwan nyengu.

Muko ngarakaninyi amangan le wölo imoktenenyi ani amangan?

Muko lekïtitunönyi nko ani osis lapay?

Söro, ompö wölo keyokunyi söwut kachan.

Igha nyi kiyini keyomisonyi!"

YESO NKO NYI

Tingeto lökoyo Yeso sirum nyo ngangat. Kiluki nyu Yeso kongo nyo wöw nko pich cho chang, kīngeta atōni nko ye. kiwayaka ngwīnya. Mōkīpeghonye pich sikiroy nko angoletin, wōlo pegho pich mtiken nko deken. Kilenyona kimemukoy nye kwipu sisin ompö Yeso. Kito kumukoy pat kilekitit nko acha le otini kiwestegho koro Israel. Muko mörumunye, wōlo kupöru lö man. Mökoy kiliki kōngo asete nko nyi, imukenyi tera aycham nyinte.

Imökenyi nkituno lasiny paraku Yeso nko söpon nyole nyenyi? Mökoy nyu ighanyi cho riptoy:

1. Töro sömono Pīpilia

(Ompö körkeyin apeway nyona kirat ompö Kitapu Luka)

2. Töro sagha

(Kengalan nko Tororöt aketer nyinte - Ki möyoronye poghisheno ngal cho nikisöch)

3. Ngalana nko pich walaka paraku Yeso nko Pīpilia. Mökoy Yeso rīpichi kituyo akurur kegh otini netoy kegh paraku nyi.

*Körkeyin pö kikirut - Willem de Vink. Copyright © 1993 Stichting Wereldtaal, Houten, Netherlands.
Kikir ompö lö "Yeso Mesiya" Kiroröt ompö ngala kichimpa © 2019. Ngala osiswechete chöchomunote
kepöghisyegho*

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com

TRANSLATED BY:

*REV. JACKSON R. MARUK – Diploma in Bible and Theology Ukamba Bible College (UBC) Kenya,
Bachelor of Arts Degree in Bible and Theology in International Christian Ministry (ICM) Kenya,*

*REV. ALSTON LONGORIAKIT – Diploma in Bible and Theology, Kapsabet Bible College (KBC) Kenya,
Bachelors of Divinity in St. Paul University, Limuru Kenya.*

*LOKAL R. MICHAEL – Diploma in Human Resource and Management from University of Nairobi,
Degree in Project planning and Management from University of Nairobi.*

CONSULTANCE:

MR. SIKAMOI P. LONGOL WERO LOKEYA – Catholic Church

MR. REV. FRANCIS NALELIA – Anglican Church of Kenya (ACK)

YESO KI MESIYA. Lökoy chete chopö man paraku Yeso Mesiya. Kimöngoy nyinte Israel könyis elipun odeny cho kikuwer. Chi anka tikil nyo kiryam nko nyinte ki kitangany. Möminye chi nyo kikwigh t'ikin cho kimwa nyinte. Kighisyo töngonchin ompö wölini kimi Yeso. Kipi nyu ngorekyo nko turonöt ompö pich lapay cho kicham kiter nyinte. Ki le nyona nyu kitita sirum. Kitor pung kachi kitigh nyinte. Wölo ki melo sörum nyoni somönchinö kegh.



Kut: Pökot

Language: Pökot (Uganda)

ISBN: 978-90-73150-88-1